

معصوملارین یاشاییش طرزې یالانچې عیرفانلارینان موباریزه یولو

تهران دانیسگاهیهنن علمی هیئت عضوی دئدی: یالانچې و اینسان الیله یارانمیش عیرفانلار کاذیبیلر، چونکی اینسانین اساسی نیازلارینا دقیق و کامل صورته جواب وئره بیلیمیرلر.

تهران دانیسگاهیهنن علمی هیئت عضوی دئدی: یالانچې و اینسان الیله یارانمیش عیرفانلار کاذیبیلر، چونکی اینسانین اساسی نیازلارینا دقیق و کامل صورته جواب وئره بیلیمیرلر.

دؤکتور محمد صادق کوشکی یالانچې و اینسان الیله یارانمیش عیرفانلار باره سینده مهر خیرنیگارینا دئدی: اینسان معنوی بوعدلارا جیڈی احتیاجلارینا گؤره ایستیر کی یاشاییشیندا معنویاتا بیر یول تاپسین. بو بیر فیطری ایستکدیر و دین و مذهبه ربطی یوخدور. یعنی اینسانلار فیطرتلرینه گؤره معنویته چکیلیرلر.

او آرتیردی: ایستاندارد یول کی دین بو زمینده تانیئدیریب، دینه دایانان عیرفاندیر. آما بو عیرفانی تانیماپانلار و دیندن اوزاق اولانلار آلتئرناتیو یوللار آختاریرلار. بونا گؤره کنجیمیشدن ایندیبه قدر یالانچې عیرفانلارین بازارې کی همان طبیعی و عادی یاشاییشدا معنویته ال تاپماقدیر، ایستی اولوب.

تهران دانیسگاهیهنن علمی هیئت عضوی دئدی: هنج وقت بو توکانلارین کاسادلیغینا شاهید اولماپاجاییق. چونکی اینسانلارین فیطری و طبیعی احتیاجلاریدیر کی یاشاییشلارینین اوزونه معنویت قاپیسی آچیلسین. دینی تانیان اینسانلار طبیعتاً ریشه سی دینی اولان عیرفانلارین دالیسی جن گندرلر. بو ایمکانلاری اولماپانلار دا مجبور دولا لرینده اولاندان ایستیفاده ائله سینلر کی همان یالانچې و اینسان الیله دوزلمیش عیرفانلاردیر. اینسان الیله یارانلارینا گؤره کاذیبیلر، چونکی اینسانین اساسی نیازلارینا دقیق و کامل صورته جواب وئره بیلیمیرلر.



کوشکی دئدی: غیری ایلاهی عیرفانلارین هنج بری اینسانین یاشاییشیندا حقیقی معنویتی یارالدا بیلیمیب. همیشه بو بازار رونقلی اولوب و لایب موهوم ضرری اینسان معنویتینین بوش قالماسیدیر. یعنی بو عیرفانلار اینسانین سوسوزلوغونا قانیق وئرمیر، سوسوز آداما بنزیر کی دریا سویو ایچیر آما بو سو اونو دویورمور، او قدر ایدامه وئیرر کی اونون اولومونه سبب اولور. یالانچې عیرفانلار اینسانین معنویت سوسوزلوغونو دویورماق عوضینه شور سو ایچیردیرلر و اونو اولدورورلر.

او یالانچې عیرفانلارلا موباریزه یولونو ایلاهی و دینی عیرفانلاری تانیئدیرماقدا بیلپ دئدی: ایلاهی عیرفانی جماعتین یاشاییشیندا جاری ائله ساق معصوملارین یاشاییشی اساسیندا کی عیرفانی جامعده پیاده ائله بیلیرک. او دا جماعتین یاشاییشینین بیر بؤلومو کیمی نه فوق العاده بیر برنامه کیمی.

کوشکی دئدی: معصوملار بشرین معنویته اولان احتیاجینا واقیفایدیلر و عیرفان یاشاییشلارینین آیریلماز بؤلومو ایدی. بونا گؤره معصوملاردان بئله بیر یاشاییش طرزینی گؤتوره نه عیرفان دالیسی جن گنتمگه احتیاج یوخدور، چون حقیقی عیرفان یاشاییشدان آیری دئییل.

او آرتیردی: جنگده بیزیم رزمنده لریمیز بو تجروبه و یاشاییش طرزینی معصوملاردان آلدیلار و یاشاییشلاریندا جاری ائله دیلر و یوخاری عیرفانی مقاملارا ال تاپدیلا. بو عیرفانا ال تاپیب درک ائدنلر اؤز یاشاییشلاریندا و اهل عیالینان رابیطه ده و تک به تک بیولوژیک رفتارلاریندا اونو رعایت ائللرلر و بو زمینلرده موقعدیلر. بری بو عیرفانا جاتیب یاشاییش طرزینه چئویرسه بوتون اینحیرافی قاپیلار اوزونه باغلانار چونکی بو عیرفان لایب دقیق و عین حالدا لایب ساده عملی عیرفاندیر.

کوشکی بو باره ده کی آیا جامعده کی یالانچې عیرفانلار دوشمنلرین سازمان وئردیگی ایفدامدیر، دئدی: قطعاً بو عیرفانلارین زمینه سی جامعده وار. دوشمنده بو حاضرین زمیندن حداکثر ایستیفاده سین ائلیر. بو زمینلرین بریده کیلاسارلارین سازمان وئره سی و جوانلارین معنوی بوشلوغون بو عیرفانلارینان دولدورماسیدیر.